

Naittumik Titiqat- Iqaluktuutiami Nunanik Imarmiklu Halummaqtiridjutikhanik Havagvik

Uukturumayat inikhanik Iqaluktuutiami Nunanik Imarmiklu Halummaqtiridjutikhanut Havavikhat 700 meters-mik tunngungani ittuq Hamlangata Iqaluktuutiap, qaninganiiniaqtuq hamlatkut qaluraunit imaiyagvianta hanianiiniaqtuq nunagallu akiliqtuqtitauhunguyuq Hamlatkunit. Hamna atuqtakhangat hamlatkut ihuaqtumik munaqidjutikhanik iqakukhainik Nunamingnit. Hanadjutikha haffuma atuqtauyukhap piquqtihunguyait hamlatkut Iqaluktuutiami ihuaqtumik atuqtakhainik halummaiqlhimayunut nuna hiurraq aputit/imarmiklu havaakhanit havakhanun naunaiyautigilugit mikhitikhanik haluummaqhiyukhanun uttaqqivikhanik piquqtitlugitlu algakhimayumik iqqakugvikhanik atuqtaalhaqaqlutiklu haukhamik ubluq tamaat.

Iqakurvikhat piqarniaqtuq atauhirmik avaluqaqtumik in'ngalaitkutikhaqamiklu atanut halummaiqlhimayunut nunat hiuqqatlu uqyuryuavalungnik quvivuhimayut, avaluqaqtumik in'ngalaitkutilingmiklu iqqakurvikhamik piqarniaqtut. Hiurraq nunaluunniit halumaittuq agyaqtauhunguyuq akhaluutiiryuat uhidjutiaqtun humitliqaak nunaganit hamlatkut kuviyuqaqqata, halummaqtitauhunguyuq nuna alrautiaqtumit akhaluutiryuanitlu. Piyariaqaqata, ihuakhautikhat ilaliutiyaunhunguyut nunamun ikayuutikhanik halummairumut. Ihuaqhaqtauyariqqat, nunamit ihivriutauyukhamik nauriangani nuna nakuuhyakhanik. Nakuuhinniqaqat, nuna atuqtaffakhunguyuq himautauqattagluni ubluq tamaat hamlatkut haudjutikhanut uvaluunniit atuqtauffaktukhat pitquyaukpata. Imagluunniit apputluunniit kuvviyuqaqtunit tutquqtauhunguyuq halummaqtuiqtaulunillu ahiit halummaktaukpat atuqtauhunguyuq imaqtitaulutik ihuaqhautigilugu nunamun havaktauyumun imatutlu iqaqtaulunil pitquhimayatun Kavamangat Nunavut Avatiliqiyitkut pitquhimayaitut. Iqakuurvikhaq atyqtauhunguyuq tutqumavigilaglugu iluanniitukhanun puuqtauhimayukhanun imatutlu/uvaluunniit aullaqtitauyukhanun angiqtauhimayumun iqakuurvikhamun nayuganun.

Hivuani hanayautinnagu iqakurvikhaq, nunamiklu imarmiklu katikhihunguyut naunaiyautikhanik hanadjutikhanut iqqakurvikhanik, nunanik imarmiklu katikhilutik naunaiyautikhanik qanurininga atuqtauhunguyuq munaqidjutikhanik avatinganun qanuriningit nayuqtani atuqtautitlugu. Nahuriyauyuq hamna iqakurvikhaq atuqtauniarunakhiyuq hivitunianik tallimani (5) ukiuni naadjutani angirutat naunaiyaktuffakhunguyuq Hamlatkutlu.